

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Consideratio status damnatorum, quod actiones ipsorum
in primis malas, concernit**

Fecht, Johann

Durlaci, 1680

CIX.

[urn:nbn:de:bsz:31-122744](#)

Ex atrocitate pœnarum judicium intellectus lœdi , aliquando etiam in furorem quendam converti , dubium nullum est . Quo tamen casu scelera in furore patrata scelera esse non desinunt , cum furorem is sibi malitiosè contraxerit , qui scelera perpetravit .

CIX. Ad argumentum quartum , quod majori vi concludere videtur , respondemus . I. Per instantiam ab habituali peccato de sumptam . Si enim quodlibet peccatum infinitam meretur pœnam , & verò cuiuslibet diei atque momenti peccatum habituale , sit veri nominis peccatum , sequetur , innumerabilium dierum peccata habitualia innumerabiles promereri mortes , & infinitos infernos . Hoc autem Bonaventuræ absurdum est ; consequentia igitur sine dubio vacillat . II. Alia depromittur instantia à peccatis actualibus in hoc seculo mundoque commissis , quæ licet innumera sœpe fuerint , nec pœnitentiâ intercedente remissa , & verò quodlibet eorum , fatente Bonaventurâ , æternam mortem meruerit , non tamen nisi unus infernus , & una mors æterna illa insequitur . Cur igitur multiplicata in inferno peccata majorem inferorum , & æternarum , ut ita loquamur , mortuum , copiam inducent ? III. Distinguendum igitur est inter peccatorum pœnam essentiale & accidentale . Peccatorum multitudo & atrocitas pœnarum quidem gradus adauget , non pœnam ipsam , in essentiâ quasi suâ spectatam ; sicut secundum Bonaventuram plura bona opera , quæ fecit Abraham , non plures meruere cœlos , quam meruit unum alterumque opus fixi ad dextram Christi latronis , quamquam majoribus ille procul dubio , quam hic , in cœlesti gloriâ præmiis remunerabitur . Non autem absurdum est , in ipso etiam infernali regno pœnas vel augmenta capere vel decrementa : sicut ex nonnullorum sententiâ , oratione pro defunctis , promiscuè omnibus in veteri Ecclesiâ fusâ , juvabantur damnati , ad qualemcumque requiem impetrandam , propitandum judicem , levandas animas , supplicium leve faciendum , netanta , quanta pati digni sunt , patiantur ; quod è Pontificiis quamplurimi luculentius docent , ceu ostendit Theologus Ecclesiæ nostræ excellentissimus , Doct . Dorscheus , lib . I . Theol . Zachar . c . VI . § . 71 . p . 69 . IV . Hoc ipso , quod perpetuò peccant damnati , perpetuas , non necessariò graviores , sibi attrahunt pœnas , ceu § . LIX , ex gravissimis partis Ro-

manæ, Calvinianæ & Lutheranæ Theologis docuimus. Aeternitas enim cruciatuum infernalium , seu interminabilis eorumdem duratio, sicut in se accidens est pœnæ peccatis debitæ , & ab ea, quod exemplo Christi, infernalem pœnam sine duratione ista vere sustinentis, patet, separabilis : ita interminabili peccandi duratione necessariò accersit, quemadmodum & in præsenti seculo , quoisque quis peccat, eousque punitur, pœnâ quo ad semper eadem manente, variatâ duntaxat secundum temporis tractum ex tractu temporis, quo quis peccavit. Id quod V. analogia mortis æternæ cum temporali clarissimè docet. Sicut enim latro, qui ducentos innocenter sustulit homines & mactandi hanc artem per totam longamque vitam exercuit, non aliâ, quo ad rem ipsam, morte perit, ac is, qui semel tantum & succedente statim facti penitentiâ innoxium effudit sanguinem; utriusque enim vita violentâ ratione à corpore divellitur; accidentia vero mortis, gradusque diversi sunt, ut is lentâ cruce è medio tollatur, membrumque quodlibet singulatum prius moriatur, quam integer homo; huic vero infelix gladius uno quasi momento animam à corpore disjiciat: ita damnati omnes unâ moriuntur morte æternâ, quæ tamen gravior incumbit iis, qui gravioribus sceleribus Divinum numen in ipsis etiam pœnis irritant, quam quia flagitorum quorumvis excessu, quantum quidem misera isthac vita patitur, sibi temperant. VI. Quantumlibet omne peccatum in se grave sit, nullumque tam leve, quin infernalem pœnam, si ex ~~exigibilia~~ judicare velit DEUS, mereatur, in ipsâ tamen gravitatis ratione immensum esse discrimen & unum infinitis quasi parasangis transcendere alterum, tum ipsum judicium Dei uni longè vehementius quam alteri irascentis, tum pœnarum in hoc ipso iudicio constituta diversitas, quam humana etiam tribunalia non immiterit imitantur, tum naturale dictamen, quod modo peccatum, velut incestum cum matre, aut consuetudinem cum bestiâ, ob insitam ei atrocitatem horret, modo vilipendit aut etiam amat, tum denique consensus omnium recte sentientium, indubitatum reddunt. Jam vero peccata inferorum longè infra malitiam peccatorum hujus seculi subsidere, prorsus negari nequit. Peccata enim damnatorum non ex pleno, sed per cruciatus corrupto

mentis iudicio, velut à furiosis, oriuntur, cum in præsenti seculo plenâ liberâque voluntate peccemus. Sicut igitur insanus, quæ in *paucis* facit, jure quidem ei imputantur, sed tamen ad eam atrocitatis æstimationem non adscendunt, ad quam perveniunt scelerâ, ab eo patriata, qui recte ratione utitur: Ita damnatus verè quidem peccat, sed peccatum tamen ejus nequaquam tanti æstimatur, ac ejus est, qui in præsenti mundo, sensibus suis sine obstatu fruens, peccatis sese tradidit. Præterea peccata damnatorum coerceri atque sufflaminari nullâ ratione queunt, sed ex inevitabili necessitate, licet sponte contractâ, procedunt, cum vitari in præsenti seculo per gratiam possint & intermitte. Sicut igitur longè gravius offenditur rex, cum ab eo convitiis proscinditur, quem omni favore & benevolentia regia complectebatur, quam cum clamore convitioque petulanter jactatur eorum, quos vel ad publicas & intolerabiliores ipsâ morte operas, aut ad turpe moriendi genus condemnavit: Ita severius irascitur DEUS homini in præsenti seculo peccanti, quem à peccatis infinitis amoris funibus, ut Scriptura loquitur, retrahere, quem innumeris sibi devincire beneficiis adlaborabat, quam damnato, qui destitutus omni gratiâ, à peccato ex se desistere non potest, sed quotidianis pœnarum incrementis ad contumelias Divino Numini inferendas quasi sollicitatur. Quæcum vera sint, causa nulla est, cur hæc peccata, graviorem subinde in inferno mereri pœnam, debeant dici. Denique, VII. quamquam falsum sit, aliquid peccatum, quo cunque in hominis statu, pœnae meritorium non esse, quod contendit Lombardus, absurdum tamen non est, aliquid peccatum, in ipso pœnae fastigio constitutum, majorem pœnam non accumulare, sed vel pœnam merendo continuare, vel ipsum sibi pœnae loco esse. Quâ de re, G. Calixtum, virum longè doctissimum, audiems, Tractatu de Bon. Perf. Summ. p. 47. ita loquenter: Cum lex de DEO amando, & ne vel ipse vel proximus odio habeatur, æterna sit, nec obligare unquam definat, quicquid à voluntate sive in hac vita, sive in alterâ, contrarium committitur, peccatum est. Quod tamen in alterâ committitur, ita peccatum est, ut pœnam non augeat. Sic enim in ultimo termino non essent. Nempe quemadmodum amor ille maximus & rectissima voluntas beatorum, non est meritum sive medium, quo amplior gloria acqui-



gatur, sed primum: ita quoque odium & perversissima voluntas dannatorum non est meritum acrioris & ulterioris poena, sed ipsa sibi est supplicium.

CX. Ad argumentum quintum Respondemus, I. Si omnem simpliciter inordinationem in fine mundi tolli necesse est, tollenda erit & ipsa poena, quod absurdum. Poena enim est malum privans bonum creature, sive accipiat bonum creature aliquid creatum, sicut cœcitas privat visum, sive sit bonum increatum, sicut per parentiam visionis Divina tollitur creature bonum increatum; definitio Thomæ, I. Qu. XLIX. Art. VI. ubi queritur: Utrum habeat plus de ratione malorum poena, quam culpa? Jam vero, quod malum est, quod privatio boni est, & ejus boni, quod debebat adesse, id inordinatum esse, ex te intelligitur. Nempe omnis inordinatio duplex est; una naturalis, cum malum deflectit ab ordine atque perfectione naturæ; altera moralis, cum deviat malum ab ordine & perfectione legis: Illud poenæ dicuntur, hoc culpæ. Ubi ergo perfectus est ordo & nihil prouersus inordinatum relinquitur, ibi malum poenæ æquè abrogari necesse est, ac malum culpæ, cum de inordinatione utrumque æquè participet. II. Si vero urgeatur: inordinationem saltem moralem olim penitus abolendam esse, tum fundamentum hujus restrictionis immotum adducendum est. Nuda enim assertio eâ facilitate rejicitur, quâ prætenditur. Jam vero III. argumentum huic rei sufficiens nequaquam præbet amor ordinis in DEO. Nam primò is eadem inclinatione ad removendam naturalem inordinationem, quâ ad moralem, tendit; deinde non futuri seculi proprius est, sed in omnia sese tempora diffundit, cum DEO sit naturalis, adeoque nulla nobis suppetat ratio, cur propter amorem ordinis DEO proprium in fine demum mundi in ordinem restituī omnia necesse sit, non ante finem ejusdem. Quinimò si DEO placuisset, (potuisset autem omnino placere, quia nihil implicat) ut mundus in hoc statu, quali nunc est, in æternum duraret, æterna fuisset, ut sic loquamur, rerum omnium, qualis hodie est, confusio, nec tamen isthac suâ proprietate DEUS excidisset, quâ ordinem amat, eundemque quantum in se est, it promotum. IV. Si amor ordinis in DEO inordinationem moralem omnem olim extinguit, extinguet & inordinationem Bonav. habitualem. Æquè enim ab ordine legis Divinæ exorbitat, actu facere peccatum ac ha-